

Na osnovu člana 43. Zakona o državljanstvu BiH ("Službeni glasnik BiH", broj 13/99),
Ministarstvo civilnih poslova i komunikacija BiH, donosi

UPUTSTVO

O VOĐENJU CENTRALNE EVIDENCIJE LICA KOJA SU STEKLA DRŽAVLJANSTVO BIH PUTEM NATURALIZACIJE

Član 1.

Uputstvom o vođenju centralne evidencije lica koja su stekla državljanstvo BiH nakon 6. aprila 1992. godine (u daljem tekstu: Uputstvo) utvrđuje se vođenje centralne evidencije (u daljem tekstu: centralna evidencija) radi evidentiranja svih državljana BiH.

Ovim uputstvom se utvrđuje način i postupak vođenja centralne evidencije svih državljana BiH.

Član 2.

Centralna evidencija vodi se u Ministarstvu civilnih poslova i komunikacija u knjizi državljana BiH.

Podaci iz centralne evidencije koriste su u svrhe identifikacije državljana BiH u stvarima koje se tiču njihovog sticanja državljanstva BiH. Podaci u centralnoj evidenciji mogu se koristiti u druge svrhe ukoliko je to propisano zakonom.

Osim podataka predviđenih ovim uputstvom u centralnu evidenciju se ne mogu unositi drugi podaci.

Član 3.

Ministarstvo civilnih poslova i komunikacija upisuje u centralnu evidenciju slijedeće podatke:

- broj rješenja,
- organ koji je donio rješenje,
- relevantni matični ured i mjesto,
- ime i prezime državljanina,
- ime i prezime jednog od roditelja državljanina,

- datum rođenja državljanina,
- mjesto rođenja državljanina,
- pravni osnov po kojem je stečeno državljanstvo BiH,
- entitetsko državljanstvo državljanina,
- ranije državljanstvo državljanina,
- da li je državljanin zadržao ranije državljanstvo,
- jedinstveni matični broj (JMBG).

Član 4.

Nadležni organi koji su vršili evidenciju državljanina BiH do stupanja na snagu Zakona o državljanstvu BiH ("Službeni glasnik BiH", broj 13/99) dostavljaju sve podatke putem nadležnog ministarstva entiteta Ministarstvu civilnih poslova i komunikacija najkasnije u roku od 90 dana nakon stupanja na snagu ovog uputstva.

Ministarstvo civilnih poslova i komunikacija bez odlaganja unosi navedene podatke u centralnu evidenciju. Podaci koje Ministarstvu civilnih poslova i komunikacija dostavljaju nadležni organi su podaci iz člana 3. stav 2. Uputstva.

Član 5.

Podaci iz centralne evidencije daju se samo na osnovu ovlaštenja ministra i dva zamjenika ministra.

Član 6.

Podaci o državljanima BiH kojima je prestalo državljanstvo BiH više se ne čuvaju u centralnoj evidenciji.

Član 7.

Državljanima BiH imaju pravo da budu obaviješteni da li se podaci koji se odnose na njih drže u centralnoj evidenciji, kao i pravo da dobiju te podatke u jasnoj formi.

U slučaju obrade navedenih podataka na način suprotan odredbama Uputstva ili važećih zakona i propisa, državljani BiH imaju pravo na ispravku ili brisanje tih podataka.

Državljanima BiH imaju pravo da pred nadležnim organima zatraže zaštitu u slučaju da organi vlasti ne postupe po odredbama ovog člana.

Član 8.

Ovo uputstvo stupa na snagu danom objavljivanja u “Službenom glasniku BiH”.

Uputstvo se objavljuje i u službenim glasilima entiteta.

Broj 01/1-764/00 3. oktobra 2000. godine Sarajevo

Ministar mr.Tihomir Gligorić, s. r .